

Transkription von Urkunde HBS 1492a

Ort, Datierung: Halberstadt, 1492-05-01

Signatur: Stadtarchiv Halberstadt, H 10

Inhalt: Hans Noysz aus Osterwieck: Zins- und Rentenbrief

Ick Hans Noysz anders gnant Kauoeth Borger(e) to Osterwick Bekenne openbor(e) vor meck myne eruen vnd(e) erffnemen vor alszwem(e) / de dussen breiff sehn edder horen lesen¹ dath eck mith wolbedachtem(en) mode vnd(e) feyen² willen recht vnd(e) redeliken vorkofft hebbe / vnd(e) vorkope Jegenwardigen in crafft dusses breiffes veffteyn nye halbe(r)stedesche schillinge Jarlikes tinszes¹ an vnd(e) vth mynem(e) husze¹ / haue vnd(e) steden vor Jm(e)haghen an der Jlszen¹ alleyne nicht verne van eyner bruggen belegen bynnen osterwick vnd(e) an anbote / vnd(e) alle Smedetaw nuth aller to behoringe in dem(e) suluen husze¹ den werdigen heren deken Senior(e) vnd(e) Gantzem(e) Cappittelle sente / Bonifacies Kercken bynnen halbirstadt vor viff marck halbirstedescher(e) weringe de mick de suluen heren in eyner su(m)men wol / to dancke vullenkomen vornoget hebben vnd(e) eck de vorth Jn myne vnd(e) myner(e) eruen nuth vnd(e) fromen gewandt vnd(e) gekarth / hebbe Dusse vorschreuen veffteyn schillinge Jarlikes tinszes¹ will eck vnd(e) myne eruen aeffnemen vnd(e) Intokomenden tijden besitter(en) / vnd(e) hebber(en) desz¹ suluen huszes¹ haues vnd(e) Smedetawes in sampt effte besunder(e)n schullen , den gnanten heren Deken vnd(e) Cappittelle / in ere kelnerye tom(e) Testamente Er(e)n Hiner(ik) ordonis zeliger(en) alle Jar(e) vppe de hiligen dage to paschen In de Stadt halbe(r)stadt gutliken / vor nogen vnd(e) betalen sunder(e) Jennigerleye hulperede argelist vnd(e) geuerde Ock schall eck dat vorberorde husz¹ hoff vnd(e) Smedetaw / vorder(e) nicht vorpenden edder(e) anderwisz¹ mith tinszen¹ besweren effte van enander(e)n brengen vnd(e) besunder(e)n vorkopen ane der er(e)gnan=/ten heren deken vnd(e) Cappittels weten willen vnd(e) vulbordt Vorder(e) hebbe eck vor meck myne eruen vnd(e) Jn natijden besitter(e) desz¹ / gedachten huszes¹ haues vnd(e) Smedetawes de macht beholden dath we alle Jarlikes de vorschreuen veffteyn schillinge Jarlikes tinszes¹ / mogen wedder(e) affkopen vnd(e) wen(n) we dath dhon willen dath schullen we den er(e)gnanten heren deken vnd(e) Cappittelle touor(e)n / vpp(e) wynachten vorkundigen vnd(e) denne vpp(e) de negestuolgende hilge(n)dage to paschen de vorschreuen viff halbirstadesche / marck alsze¹ de(n)ne bynnen halbirstadt genghe vnd(e) gheue synt houetsu(m)men mith den bedageden vnd(e) voreszeten¹ tinszen¹ all In / eyner Su(m)men ohn In der stadt halbirstadt gutliken weddergeuen vornogen vnd(e) betalen sunder Iennigerleye hulperede argelist / vnd(e) geuerde Dussz¹ to orkunde vnd(e) groter(en) wissenheit hebbe eck hansz¹ neysz¹ vorgnant vor meck myne eruen vnd(e) Jn natijden / besitter(e) desz¹ vorschreuen huszes¹ haues vnd(e) smedetawes , den Ersamen Diderick wramp nu tor tijdt Stadtvoged to osterwick / gebeden dath he wille den er(e)gedachten heren deken vnd(e) Cappittelle ouer dath gemelte husz¹ hoff stede anebote vnd alle smede=/taw den ersten freden van synes amptes wegen wercken vnd(e) dussen breff mith synem(e) Ingesegill vorsegelen Vnnd(e) Eck / Diderick wramp Stadtvoged to Osterwick Bekenne openbor(e) in dussem(e) suluen breiffe dath eck v(m)me bede willen Hansz¹ / Neysz¹ anders gnant kauoth Borgers to osterwick , den er(e)gnanten heren deken Senior(e) vnd(e) Gantzem(e) Cappittelle sente Boni=/fac(ies) kercken bynne(n) halbirstadt ouer szodan(e)¹ vorberorde husz¹ hoff stede anebothe vnd(e) alle smedetow nuth aller(e) to behoringe / den ersten frede gewercket vnd(e) dussen breff dar ouer(e) mith mynem(e) angehangeden Ingesegill vorsegelt ge geuen hebbe / Na der Bordt (cristi) vnszes¹ heren veirteynhundert Jar(e) dar nha Jm(e) Twe vnd(e)

Negentugesten Jare Am(e) Dingestage na sente / marcus dage desz¹ hilgen ewangelisten /

latet hir vp teyken den dach vnd de tuge dar vor . / er frede ge wercket werd dat men den breff³ mach
vullen to schriuen⁴ /

¹ Generell könnte in den späten Halberstädter Belegen **sz** als **ß** gelesen werden

² im Original Schreibfehler: *feÿen* : *freÿen*

³ breff: über der Zeile durch Auslassungszeichen nachträglich eingefügt

⁴ Aufschrift auf der Rückseite der Urkunde, eine weitere Aufschrift ist nicht lesbar